

刻



全集

有錄

乾隆丁未孟春月重校

唐陸宣公集卷第八

後學介春著英華新訂


崇仁華廷傑

同校

制誥 除授

賈耽東都留守制

河洛舊都時巡久曠命以居守俾之保綏間者淮甸  
 不寧汝墳屢警增置軍府作藩王畿職任既分威望  
 非重思有總制一其典刑爰資信臣往又東夏銀青  
 光祿大夫守工部尚書魏國公賈耽豁達貞方識通  
 大體明九域山川之要究五方風俗之宜恒因物情  
 陸宣公集 卷八 一  
 以施教化所莅之郡霑其休聲悅李廣之風人皆自  
 便懷羊祜之德敵不敢侵自誠而明在久彌著分我  
 憂寄實惟其人董制軍師安集疲瘵統禦都邑提持  
 紀綱懋昭厥猷無替朕命可守本官兼御史大夫充  
 東都留守東都畿汝州都防禦觀察等使判東都尚  
 書省事散官勳封如故



崔縱東都留守制

居守之重固難其人。近歲以來益又繁綜。領廉察之任。專禦備之權。地廣務殷。一皆咨稟。非利用罔以通濟。非純德不能保綏。周爰咨詢。公論有屬。銀青光祿大夫行尚書吏部侍郎上柱國安平縣公崔縱。素風自遠。代濟忠貞。慶之所鍾。繼有才哲。氣質淳茂。識度淹通。蘊經遠之沉謀。宣適時之利用。寬而不弛。簡則能周。以茲公方多歷要重。小大之務必聞休聲。輟於周行。式是東夏。擢居春官之長。且兼副相之雄。懋昭厥庸。期復先構。可檢校禮部尚書兼御史大夫充東都留守判東都尚書省充東都畿汝唐鄧等州防禦觀察處置使散官勳封如故。

普王荆襄江西道兵馬都元帥制

君人立極。所務於勝殘。秉律成師。寔先於謀帥。申明號令。總持紀綱。宏九合之功。決百勝之略。非慎柬不可以濟事。非僉屬不可以臨人。集大勲者必舉於宏綱。體至公者無避於內舉。爰擇蕃翰。俾掌元戎。開府儀同三司。舒王謨性稟忠厚。訓知禮樂。居常樂善。動不違仁。察其內恕外溫。必能安人和衆。體方識敏。諒可成功。庶乎知子之明。授以貞師之律。可揚州大都督持節充荆襄江西沔鄂等道節度使及諸軍行營兵馬都元帥。餘如故。仍賜名誼。改封普王。嗚呼。小子

陸宣公集

卷八

三

誼其敬聽朕命。我國家之有天下。百七十載于茲矣。祖宗垂化。紹統功德。繼茂威加殊俗。惠洽普天。海隅蒼生。代受亭育。躋之於福。壽照之以仁和。源廣流長。慶深祚遠。歷數有嗣。纘于朕躬。兢兢業業。懼不負荷。虔恭寅畏。歲五周星。循列聖之耿光。稽上古之謨訓。一物失所。是用疚心。萬方有罪。每懷咎己。懸法皆考於天。則舉事必酌於人。謀期合大中。罔循私欲。而涉道猶淺。燭理未明。文闕於化成。武乏於定亂。刑賞失中。授任乖方。厚澤未均。大信未著。致使兇慝熾禍。干紀亂常。悖違君親。蔑棄天地。盜據我都邑。痛毒我士

庶驅脅丁壯。暴骸於原野。攘奪羸老。轉死於溝壑。忠良隕命。義烈銜冤。迫以兇殘。莫由自奮。憤深骨髓。怨結蒼旻。朕所以中宵屢興。終食三歎。哀蒼生之無告。閔赤子之非辜。爲人父母。寧忘愧悼。賴三事大夫。竭誠於內。羣帥爪牙。宣力於外。交修不逮。日冀康寧。江漢上游。建旆制寇。亘千里之地。連十萬之師。保大定功。宜有統壹。允副茲選。往哉汝諧。無以貴驕人。無以善自伐。無縱已之慾。無拂衆之謨。從諫如流。改過勿吝。卑躬降志。以奉賓傳。絕甘分少。以撫軍師。布誠信。以歸人心。明賞罰。以盡士力。詰姦誅暴。懋昭乃勲。敬

陸宣公集

卷八

四

事恤人。無替朕命。膺茲重任。可不勉歟。建中四年九月二十六日

馬燧渾瑊副元帥招討河中制

天地殊位。君臣異制。苟不率道。茲謂亂常。退而增修。於是有舞干之義。諭以遷善。於是有文告之辭。若猶不悛。乃用致討。興戎動衆。豈得已哉。李懷光擢自軍候。委之節制。亟有勤績。累加寵榮。總衆駿奔。自遠赴難。解圍逐寇。朕甚德之。位極上台。寄崇總帥。親之若同。體信之無間。言朕於斯人。亦已厚矣。而器小任重。固貽顛覆。有功自棄。無罪自疑。崇信讒邪。脅逐將帥。養寇資亂。蓄奸幸災。朕素所推誠。猶謂非實。優容任遇。坦然如初。凶跡旣盈。醜踪彌露。謀危社稷。通結渠

陸宣公集

卷八

五

魁公相往來。無復忌畏。窮極兇悖。所不忍言。朕播遷巴梁。違遠陵寢。大懼失墜。為列聖羞。賴先澤在人。兆庶知感。朔方將士。忠節不渝。懷光旣沮。姦謀詭稱。効順累陳。款疏請詣闕庭。朕深惟舊勳。務欲全貸。授以師保之任。疇其井賦之食。屢書勞問。誓以終始。懷光遂殺辱使臣。完聚守保。將以悖慢之罪。加於忠義之軍。因茲脅從。冀與同惡。謂衆可罔。謂天可欺。覆載所不容。人臣所共棄。討除大慙。招輯非辜。爰咨輔臣。以董戎寄。銀青光祿大夫檢校司空中書門下平章事兼太原尹北都留守充河東保寧軍節度使北平

郡王馬燧操業端亮器宇宏達秉難奪之節負不羈之才常持至公深識大體感激而三軍有勇彌綸而庶績允諧威聲所臨郡邑皆復殿于北土隱若長城奉天定難功臣開府儀同三司行侍中兼靈州大都督靈鹽豐夏等州節度使管内度支營田觀察處置押蕃部落等使充朔方邠寧振武等道奉天永平等軍行營節度兵馬副元帥上柱國樓煩郡王渾瑊淳粹積中仁厚成性布寬大以容衆著誠信以撫人事必沈詳臨危益辦節惟貞固在險逾彰宏濟艱難懋昭勳閔出納朕命光膺具瞻並文武全材安危注意

陸宣公集

卷八

六

副我憂屬時惟二臣比德協謀往清多難燧可兼充奉誠軍及晉隰磁等州節度管内諸軍行營兵馬副元帥餘並如故城可兼河中尹充河中絳州觀察處置等節度使仍充河中絳州同陝虢等管内諸軍行營兵馬副元帥功臣散官勳封如故嗚呼朕不敏不明失於君道連禍未息勞師靡居中心自咎鬱若焚灼又以朔土之衆代著忠勞橫遭污脅深所憫惜爾其敬敷朕命明諭朕懷務於招綏非驥威武惟輸誠歸順罔有不赦惟執逆拒命罰止元兇寧失不經無濫無罪列爵懸賞用俟勲賢布告遠邇咸令知悉

李晟鳳翔隴西節度兼涇原副元帥制

周之元老。以分陝爲重。漢之丞相。以憂邊見稱。故方岳克寧。疆場不聳。安人保大。致理之端。今所以重煩上台。作鎮西土。奉天定難功臣司徒兼中書令充神策軍節度鄜坊丹延等州觀察處置等使仍充京畿渭北鄜州華州兵馬副元帥上柱國合川郡王李晟。勵精剛之操。體博大之德。適時通變。而大節不奪。虛受廣納。而獨斷自明。奉法以身。推功以下。衆無犯命。人用樂從。懷德畏威。令行禁止。誓羣帥於危疑之際。駐孤軍於版蕩之中。氣凌風雲。誠動天地。一鼓而兇

陸宣公集

卷八

七

徒懾北。再駕而都。邑廓清。師皆如歸。人不知戰。再安社稷。功格皇天。而明識秉彝。清風激俗。雅尚恬曠。撝謙有光。朕以汧隴近郊。扶風右地。川阜連亘。抵於回中。限界諸夷。蕃屏王室。所屬誠重。付之元臣。兼二將之甲兵。崇十連之元帥。宣威耀武。罷警息兵。俾予仰成。時乃丕烈。可兼鳳翔尹充鳳翔隴右節度營田觀察處置等使仍充鳳翔隴右涇原節度管內諸軍及四鎮北庭行營兵馬副元帥改封西平郡王。功臣本官兼官如故。



劉洽檢校司空充諸道兵馬都統制

論道經邦允歸顧望建牙統衆必藉雄才中外具瞻  
安危注意今以二柄付之元臣開府儀同三司檢校  
尚書左僕射同中書門下平章事持節宋州諸軍事  
兼宋州刺史充宣武軍節度營田宋亳穎等州觀察  
處置等使仍權知汴滑宋亳等州都統兵馬事懷德  
郡王劉洽秉志端亮飭躬簡儉博厚足以容衆和易  
足以長人純孝榮親盡忠事國分我閭寄殿于大藩  
扼制淮夷保障楚甸戎捷繼至軍聲再揚殪羣兇於  
宛邱驅大憝於梁野控引漕輓委輸京師予嘉乃勳  
陸宣公集

卷八

八

懋乃貞節用錫丕命俾揚洪休變贊三台紀綱羣帥  
式是大任爾惟欽哉可檢校司空同中書門下平章  
事依前宣武軍節度使度支營田宋亳等州觀察處  
置等使仍充宋亳穎等州管內諸軍兵馬都統散官  
勳封如故

文山李延福

遵化史樸

濟州張繼鄒同校刊

仁和陸孫鼎

唐陸宣公集卷第八

唐陸宣公集卷第九

後學介春著英重訂

萍鄉文 晟  
崇仁華廷傑

同校

制誥 除授

渾瑊京畿金商節度使制

王者之制。安不忘危。宏其道則文武齊致。教其人則農戰兼務。故雖縣內不可去兵。況密邇寇虞。干紀稔慝。都邑郊甸。騷然靡寧。聿求信臣。特建戎號。濟人夷難。允屬勳賢。京畿渭北節度使兵部尚書行在左都虞候渾瑊忠貞博厚。溫恭簡肅。持重不撓。好謀而成。陸宣公集

卷九

一

居業克敦。其詩書受賜。每陳於廊廡。能推誠而撫下。不伐已以拒人。委任中外。咸著聲績。夷險一貫。隱然殿邦。朕越在郊坰。偏於兇醜。授之師律。式是戎昭。侍衛增嚴。斥候無爽。檢身齊衆。同士伍之勞苦。敦陣整旅。壯行列之威容。靜以伐謀。動而制勝。臨危勵節。予有賴焉。王圻之內。沃壤千里。緜亘商嶺。屏於南門。觀風靖人。詰禁誅暴。俾爾兼領。用孚于休。可京畿渭北渭南金商節度觀察處置等使。餘並如故。

杜亞淮南節度使制

淮海奧區。一方都會。兼水陸漕輓之利。有澤漁山伐之饒。俗具五方。地縣千里。聿求良牧。豈易其才。今又革車方興。軍賦屢調。體於寬大。則事缺。務於辦集。則人殘。自非剛柔適中。文武兼備。其何以副我憂屬。惠綏南方。正議大夫行尚書刑部侍郎上柱國扶風縣開國男杜亞。識精體要。學究宗源。妙於用而有常。通其變而能久。為理敦教化之本。立言參禮法之中。道無礧磷。行有枝葉。回翔省闈。表彌綸獻納之勤。踐歷方州。著清淨循良之稱。其嚴重可以鎮俗。其才術可陸宣公集

卷九

二

以匡時。休有令問。輝映朝列。朕以東南思乂。注意求賢。爰輟名臣。俾寧藩服。往率厥職。時惟欽哉。可揚州大都督府長史兼御史大夫充淮南節度觀察處置等使

虔王申光隨蔡等州節度使制

自昔哲王疆理天下必選其明德樹之宗親參制藩  
維夾輔王室賢戚並建時惟休哉長淮之西厥壤千  
里人靡寧息于茲有年朕其永懷慘若焚灼思得良  
帥代予安人釋其危疑彰我信惠以親而授其在予  
茲開府儀同三司虔王諒性本溫恭生知忠孝祇服  
訓導躬行不渝言皆副誠事必求當端慎可以鎮俗  
寬厚可以長人底綏一方庶允憂屬可申光隨蔡等  
州節度副大使管內觀察處置等使餘如故

陸宣公集

卷七

二

朕嘗憂備大對管內贖察處置等使給使

實學何以身入於然一衣無父憂屬何以申光隨蔡等  
隨軍琅玕不喻言習備端車必求當端對何以難於  
燕開祿難同三后與王籍封本顯恭主映忠榮所  
相於千變入鞅其或錄璋舟計惠以賦而對其於千  
里入懇寧息于茲育予矧其永剽劉若焚必思對身  
難夾輔王室傳知並敷私郵於若身華之西風對千  
自昔哲王疆理天下必選其明德樹之宗親參制藩  
虔王申光隨蔡等州節度使制

唐朝臣振武節度論惟明廊坊觀察使制

分命使臣。統臨方岳。弛張之道。蓋亦從宜。近甸無虞。則但廉風俗。邊陲式遏。則兼假旌旄。名制雖殊。委任俱重。膺是選命。莫非勲賢。開府儀同三司。檢校兵部尚書兼鄜州刺史。廊坊丹延等州節度觀察處置等使。平樂郡王。唐朝臣嘗總偏師。邁于多難。仗義率衆。臨危不迴。保全關衝。抗絕兇逆。守而能固。出則有功。每急病而攘夷。嘗以寡而敵衆。竟殲大憝。克集茂勲。炳然貞心。堅若金石。洎師旋歸。按俗頒條。軍旅慰安。流庸悅附。奉天定難。功臣開府儀同三司。檢校工部陸宣公集

卷九

四

尚書兼左金吾衛大將軍充右街使上柱國建康郡王論。惟明釋位勤王。有赴難之節。扞城禦寇。有特危之功。奉主忘身。棄家從國。越自郊甸。再踰巴梁。險阻艱難。靡不陪扈。忠義所在。生死以之。久司禁戎。益茂勲績。器質敦實。識度寬敏。通明吏職。練達武經。本之以純良。輔之以才術。俾居藩翰。僉謂汝諧。朕以北控單于。國之巨鎮。彼方戎帥。沉痾是嬰。卧護邊軍。已淹寒暑。憫其盡瘁。難以重煩。爰咨信臣。更踐厥職。朝臣可依前檢校兵部尚書兼單于大都護御史大夫。充振武綏銀廊勝等州節度營田處置押兵蕃落等使。



韓滉加檢校右僕射制

周制以輔翼之臣。出作方伯。漢官以牧守之最。擢拜公卿。其在匡時。中外同體。朕以大勞未乂。勤卹於黎元。多難荐興。注意於藩岳。就加命服。式寵能賢。則增秩進律。亦古之道也。金紫光祿大夫檢校吏部尚書使持節潤州諸軍使兼潤州刺史御史大夫充鎮江軍浙江東西節度觀察等使韓滉。忠肅剛直。清公簡儉。持至公以檢下。強禦必繩。秉大節以事君。險艱無易。惠能恤衆。明足照姦。歲發勤王之師。日增贍國之賦。軍無撓敗。俗以阜康。殿于大邦。理平訟息。朝有勸如故。

陸宣公集

卷九

六

典昭升乃庸。胙土以報勤。懋官以旌德。底乂江甸。永孚于休。可檢校尚書右僕射進封昌黎縣開國公餘

嘉王橫海軍節度使制

度土分疆。設官涖事。因時設制。期在理安。必順物宜。且從人欲。版圖既溢。則疏邑以制州。統攝或乖。則分部而建長。沿革之道。亦何常哉。滄海之隅。地饒俗阜。隱然北土。實曰雄藩。鎮撫之宜。是資懿戚。開府儀同三司嘉王運。氣本元淳。重承先訓。忠肅孝友。寬仁惠和。勤於服儒。樂在為善。施於事任。必有可觀。舉不失親。至公斯在。欽率厥職。永孚於休。可橫海軍節度使滄景等州觀察處置等使勳封如故。

堂下八

卷之七

嘉王橫海軍節度使制

嘉王橫海軍節度使制。嘉王運。氣本元淳。重承先訓。忠肅孝友。寬仁惠和。勤於服儒。樂在為善。施於事任。必有可觀。舉不失親。至公斯在。欽率厥職。永孚於休。可橫海軍節度使滄景等州觀察處置等使勳封如故。

嘉王橫海軍節度使制



馬燧李臯實封制

列爵以旌德。胙土以報功。國有彝章。是用褒勸。朕以不德。間逢多虞。蒲坂有叛亂之臣。淮沂有僭逆之帥。萬姓罹害。四方靡寧。奉誠軍節度兵馬元帥檢校司徒兼侍中馬燧。聞難之初。忠誠奮發。躬帥士旅。討茲不庭。略地如歸。攻城必克。晉絳磁隰。靡然向風。元兇勢窮。竟就梟戮。清我甸服。時惟茂勳。荆南節度觀察處置等使檢校戶部尚書嗣曹王臯。親率全軍。抗於強虜。晝夜不息。迨於三年。謀成必滅。師出皆捷。復蕪黃之地。拔安陸之城。隱其威名。保乂江漢。並著節于陸宣公集

卷九

八

國存功于人。跡効炳然。僉議攸屬。雖懋官已序。而食賦未加。疇庸之科。無乃有闕。宜其寵錫。以荅殊休。燧可賜實封五百戶。通前七百戶。臯可賜實封三百戶。

韓滉度支鹽鐵轉運使制

食貨所資。邦家大本。總領之重。必推元臣。故周以冢  
宰制國用。漢以丞相調軍食。官給人足。謂之善經。今  
戶口凋傷。財產衰耗。邊疆未靜。役費尚多。思欲均厚  
薄之征。權重輕之制。國無匱乏。人不怨咨。運籌佐時。  
其在良輔。金紫光祿大夫檢校尚書左僕射同中書  
門下平章事充鎮海軍浙江東西節度兼江淮轉運  
等使晉國公韓滉。昔事先朝。常掌邦賦。貞心獨立。一  
志在公。吏無姦欺。財以饒羨。自臨江甸。事舉風行。職  
貢有加。轉餉相繼。成功允集。艱食用康。介于方隅。未  
陸宣公集

卷九

九

極材術。宜其宏濟。式副具瞻。可充度支及諸道鹽鐵  
轉運等使。餘如故。

李叔明右僕射制

行止兩全。必惟明哲。致其用以匡國。敦乎道以保身。  
周旋令名。始終不替。斯賢者之極致。而行之實難。金  
紫光祿大夫守太子少傅檢校尚書右僕射持節梓  
州諸軍事兼梓州刺史御史大夫充劔南東川節度  
副大使知節度事管内度支觀察處置等使蘇國公  
李叔明稟粹挺生。鬱為邦傑。虛懷朗暢。達識周通。早  
以器能累更。任遇中外所踐。必聞休聲。嘗尹京師。茲  
豪屏息。洎臨方岳。風俗澄清。吏服嚴明。人懷德惠。憂  
公奉職。勵節存誠。服勞王家。行及三紀。以茲盡瘁。沉  
恙所嬰。扶疾趨朝。披誠告老。固陳衰瘵。深戒滿盈。情  
皆發衷。語且形泣。視其激切。良所軫懷。敦勸旣頻。辭  
乞彌固。繼獻章疏。期於必從。省之憮然。用增感歎。雖  
惜其舊德。往涖遐藩。而憫以高年。難違懇志。猶資碩  
望。俾長庶寮。罷方鎮之煩。總中臺之重。式彰尚德。且  
示優賢。可依前守太子少傅兼尚書右僕射。

李澄贈司空制

既明且哲。以保其身。求之昔賢。鮮克全備。良以謀始  
匪易。慎終尤難。其有志奉公家。力輔王室。見危而立  
節。將沒而陳誠。操尚堅明。謀猷深遠。憂國無忘於顛  
沛。周身不離於令名。有臣如斯。可以旌勸。故義成軍  
節。度滑鄭等州觀察處置等使開府儀同三司檢校  
尚書右僕射兼滑州刺史御史大夫上柱國武威郡  
王李澄。天授將材。勇而多智。臨危不懼。見義必爲。崎  
嶇險艱。勳節兼著。勤於廣業。曾未遑安。帶甲臨戎。連  
年野處。積勞成瘁。霜露所侵。疇疾攻中。癰疽發外。迨

陸宣公集

卷九

十一

茲病亟。不替忠誠。憂國疚懷。戀闕流涕。懼軍戎之乏  
帥。念方鎮以爲虞。上表披陳。懇求代免。辭情激切。備  
慮精深。視之感傷。當守興歎。雖史魚之陳尸。納諫。吳  
漢之在疚。獻謀。比方於此。不足多尚。天胡不容。奪我  
良帥。惻然嗟悼。用切深衷。始終存義。澄實有之。褒美  
飾終。是宜加等。可贈司空賜物五百段。米粟三百石。  
以左散騎常侍歸崇敬。充使弔祭所緣喪葬。並準式  
官供。仍以澄讓表。宣付史館。以彰忠節。

除鄧州歸順官制

迫以兇威陷于寇境。義不受污。忠能奮誠。履重險而  
不回。處疾風而逾勁。忘軀徇義。獻款投誠。足以勵彼  
勤王。激其汚俗。去逆効順。固先典之攸嘉。懋賞勸功。  
驗彝章而不昧。咸從序用。俾服官常。可依前件。  
云云



魏彛章而不相。然於氣用。於艱官常。可於前件。  
云云

謹王。其於於去。並校。國典。與之。外嘉。懋賞。勸功。

不回。處疾風而逾勁。忘軀徇義。獻款投誠。足以勵彼

勤王。激其汚俗。去逆効順。固先典之攸嘉。懋賞勸功。

斜澄。似。歸。順。官。制。

李納檢校司空制

鄭武公父子。繼爲周司徒。內居股肱。外作藩翰。詩美緇衣之德。傳稱夾輔之勳。我懷斯人。今得良弼。開府儀同三司。檢校尚書右僕射。同中書門下平章事。充平盧淄青節度管內度支營田觀察處置陸運海運押新羅渤海兩蕃等使。隴西郡王李納。字量宏。博質性沉毅。體仁能斷。見善必遷。蘊非常之才。守以純一。秉難奪之節。著于艱危。昭升令問。茂建勳績。屬淮夷構亂。東夏震駭。奮旅徂征。坐籌制勝。解商邱之難。攘彼兇殘。釋陳城之危。俘厥渠帥。德功克懋。官賞宜崇。陸宣公集

卷九

三

庸建上台。宜賜真食。惟乃先服。勤勞王家。以殿邦之勳。參論道之職。俾爾嗣績。光于前人。荷國之寵章。承家之不構。敬慎厥德。永孚于休。可檢校司空同中書門下平章事。仍賜實封五百戶。餘並如故。

文山李延福

遵化史樸

濟州張繼鄒

同校刊

仁和陸孫鼎

唐陸宣公集卷第十

後學介春者英重訂

萍鄉文 晟  
崇仁華廷傑 同校

制誥 鐵券慰  
問勅書

賜李納王武俊等鐵券文

維興元元年歲次甲子正月癸酉朔二日甲戌皇帝  
咨爾某官某嗚呼王者所以撫人失於所撫則叛下  
者所以奉上失於所奉則刑各當其理德用不擾各  
違其分亂於是生朕德薄化淺昧於君道罔知省已  
姑務責人是以徵師徂征連歲靡息惟爾以誠志之  
陸宣公集 卷十 一

不達及仄于厥衷阻衆興戎結黨拒命豈非上失於  
所撫而下失於所奉與書曰萬方有罪罪在朕躬我  
實不德非人何咎俾廢其生業離於室家陷于困窮  
死于戰陣老疾廢養孤惻靡依怨結蒼生感傷和氣  
朕爲人父母得不愧于心哉晨興以思夕惕以悼自  
嗣位迄今六載天將悔禍朕方覺悟爾亦知衆心之  
厭亂思所以保安叶于朕懷若應符契非天地合德  
人神合謀將茂育羣生則何以臻此朕是用上順天  
意俯從人心滌爾疵瑕復爾爵位坦然靡阻君臣如  
初功載鼎彝名藏王府子孫代代爲國勲臣河山帶

曷傳祚無絕。朕方布大信。承天子人。若食其言。何以  
享國。嗚呼。其祗若命。用保無疆之休。



草園記其於其命用於無疆之休

飄軒採無然知亦大計承天子人若食其言何以



賜安西管內黃姓勳官鐵券文

維貞元二年歲次丙寅八月丁巳朔三日己未皇帝  
若曰咨爾四鎮節度管內黃姓勳官驃騎大將軍行  
左金吾衛大將軍負外置同正負兼試太常卿頓瞻  
護波支惟爾乃祖乃父代服聲教勤勞王家勳書于  
鼎彝族列于藩籍爾克紹先祖之烈而重之以忠貞  
嗣守職官祇若朝化率其種落保我邊陲丹誠向化  
萬里如近是用稽諸令典錫以券書若金之堅永代  
無變子孫繼襲作我藩臣爾其欽承勿替休命

卷之六

卷之六

三

無變子孫繼襲作我藩臣爾其欽承勿替休命

萬里如近是用稽諸令典錫以券書若金之堅永代

嗣守職官祇若朝化率其種落保我邊陲丹誠向化

鼎彝族列于藩籍爾克紹先祖之烈而重之以忠貞

護波支惟爾乃祖乃父代服聲教勤勞王家勳書于

左金吾衛大將軍負外置同正負兼試太常卿頓瞻

若曰咨爾四鎮節度管內黃姓勳官驃騎大將軍行

維貞元二年歲次丙寅八月丁巳朔三日己未皇帝

賜安西管內黃姓勳官鐵券文

慰問四鎮北庭將吏勅書

四鎮北庭將士官吏僧道耆壽百姓自祿山首亂中  
夏不安蕃戎乘釁侵敗封略道路梗絕往來不通哀  
我士庶忽如異域控告無所歸還莫從朕未嘗一夕  
忘懷而事勢不及相卹興言軫念忽以涕流卿等咸  
蘊忠誠誓死不屈或早從征鎮白首軍中或生在戎  
行長身塞外克奉正朔堅保封疆援絕勢孤以寡敵  
衆晝夜勞苦不得休息歲時捍禦不解甲冑勲高百  
戰義叶一心介然孤城獨守臣節日來月往三十餘  
年奉國之誠久而彌勵求諸今古忠烈莫儔義激人

陸宣公集

卷十

四

倫名光史冊蠢動知感沉於朕懷朕嗣守洪業君臨  
宇內思安兆庶以絕戰爭遂與贊普約定好和集蕃  
漢士庶告天地神祇設壇會盟永息邊患疆場罷警  
于今六年近以賊臣朱泚背恩驚犯宮闕贊普又遣  
師旅助討姦兇兩國交懼事同一體北庭去此遙遠  
信使難通於西蕃既非便宜在國家又絕來往永念  
士庶隔在殊方歸路無因親戚永訣爲人父母實所  
感傷已共西蕃定議兼立誓約應在彼將士官吏僧  
道耆壽百姓等並放歸漢界仍累路置頓供擬發遣  
待卿等進發然後以土地隸屬西蕃今故遣太常少

卿兼御史大夫沈房及中使韓朝彩等往彼宣諭仍  
便與西蕃交割卿等宜遞相慰勉叶力同心互相提  
攜速圖進路復歸鄉井重見宗親生人之情莫重於  
此一勞永逸固不合辭卿等誠節昭宣勳闕茂著到  
此之後當特甄升仍給田園以贍生業必令優厚用  
答忠勞如有資產已成不願歸此亦任便住各遂所  
安宜勉良圖副我勤想夏熱卿等各平安好遣書指  
不多及

不多及



安宜遠身圖幅亦慎默夏熱卿等各平安設書能  
答出幾收百資垂白如不願歸此亦任便住各遂所  
此三封當林雖長竹益田園以觀生業必令慰厚用  
此一勞永逸固不合辭卿等誠節昭宣勳闕茂著到  
此之後當特甄升仍給田園以贍生業必令優厚用  
答忠勞如有資產已成不願歸此亦任便住各遂所  
安宜勉良圖副我勤想夏熱卿等各平安好遣書指  
不多及

與回紇可汗書

皇帝敬問可汗弟兩國和好積有歲年申之以昏姻約之以兄弟誠信至重情義至深頃因賊臣背恩構成嫌釁天不長惡尋已誅夷使我兄弟恩好如舊周皓及踏本啜黑達干等至得弟來書省覽久之良以爲慰弟天資雄傑智識通明親仁善鄰敦信明義罷戰爭之患宏禮讓之風保合大和用寧區宇惟茲盛美何以加焉朕之素懷與弟叶契爲君之道本務愛人同日月之照臨體天地之覆育其於廣被彼此何殊况累代以來繼敦姻戚與弟俱承先業所宜遵奉

陸宣公集

卷一

六

今圖自茲以還情契彌固垂之百代永遠無窮緬想至誠當同此意所附踏本啜奏請降公主姻不失舊頗叶通規待弟表到即依所請宣示百寮擇日發遣緣諸軍兵馬收京破賊頻立功勳賞給數多府藏虛竭其馬價物且付十二萬匹至來年三月更發遣一般餘並續續支付弟宜悉也安西北庭使入奏並却歸本道至彼宜差人送過令其速達弟所寄馬並到深愧厚意

賜吐蕃將書

勅尚覽鑠論莫陵悉繼等至省所陳奏朕具悉之國家與大蕃親則舅甥義則鄰援息人繼好固是常規朕嗣位君臨思安兆庶常以信讓為事不以爭競為心區域雖殊覆育寧別贊普天資仁德好生惡殺與朕同心重修舊好會蕃漢將相告天地神祇約誓之言至嚴至重大信一立義無改移所請奉天盟書勒於清水碑石審詳事理頗甚乖違往歲賊臣稱兵竊據城闕尚結贊志惟嫉惡義在救災頻獻表章請收京邑朕以宗廟社稷悉在上都但平寇戎豈惜酬賞

陸宣公集

卷十

七

遂許四鎮之地以荅收京之功旋屬炎蒸又多疾疫大蕃兵馬便自抽歸既未至京有乖始望奉天盟約豈合更論朕欲苟徇彼情便令鐫刻則是非務實信不由衷欺天罔神莫大於此凡曰通好貴於推誠將垂百代之名豈顧一時之利但以事之去就須定是非若不辨明便成姑息親鄰之義豈所宜然故遣使臣與卿詳議卿是大蕃輔佐必當智識通明事理昭然不足疑惑儻有他見宜具奏聞審細研窮須歸至當所論先許每年與贊普綵絹一萬匹段者本來立約亦為收京然於舅甥之情此乃甚為小事二國和

好即同一家。此有所須。彼當不恡。彼有所要。此固合  
供。以有均無。蓋是常理。贊普若須繒帛。朕即隨要支  
分。多少之間。豈拘定限。假使踰於萬匹。亦當稱彼所  
求。朕之所重者信誠。所輕者財利。思與率土同臻。大  
和想卿深體至公。務存大義。安人保境。垂美無窮。勉  
思令圖。以副朕意。今遣倉部郎中兼侍御史趙聿與  
來使同往。書中意有不盡。並令趙聿口宣。尚結贊論  
莽羅等嘗總師徒。遠來赴難。功雖未就。義則可嘉。其  
所領將士等。朕先許與賜物一萬匹段。並已排比許  
卿所商量指定。此使却回。即發遣往。今各賜卿少物。  
陸宣公集

卷十

八

至宜領之

賜吐蕃宰相尚結贊書

勅尚結贊卿天資材術作輔大蕃識通古今志奉忠信義聲著積遠近流傳比聞入典樞衡近知還總戎務二國所定和好首末是卿商量得卿却來深以為慰昨者邊軍狀奏彼國兵馬踰越封疆朕以畫界立盟先有定分贊普素敦仁義卿又特稟純誠背約侵漁必無此理但勅邊城自備不令輒動干戈若使効尤恐成交惡初疑界首遊奕少有乖宜不謂大發師徒漸加侵軼興兵動衆必合有名蕃軍此行未測其故朕自嗣膺寶位即與贊普通和敦以舅甥結為鄰

陸宣公集

卷十

九

援懲戰爭之弊知禮讓之風彼此大同務安衆庶乃於境上建立壇場契約至明誓詞至重告于皇天后土諸佛百神有渝此盟殃及其國朕敬奉誠約分毫不移信使交權歲時無絕碑文具在可以明徵豈有一事不行一言不守頃令趙聿專往近方從彼却回兼聞彼蕃使同來至今獨在道路卿所論奏朕並未知待詳事由乃可商議既稱和好理絕相疑未合輕舉甲兵便踰境界盟誓之語忽焉如遺天地神明豈其可罔卿智識明達朕所深知頃年猶舉義師救此災患今豈不存大信遂棄令名故專遣使見卿欲得

審知來意。竚聞還奏。以副所懷。趙聿及蕃使合到。待覽表中意旨。續即商量報卿。卿涉遠而來。當甚勞頓。今賜卿某物。至宜領之。秋冷卿比平安好。將士並存問之。

祭書中之意。蓋求四鎮北庭。如此事宜。足得商議。既言通好。理絕相疑。未合輕舉甲兵。使踰境界。盟誓之語。忽焉如遺。天地神祇。豈其可罔。又聞放縱兵馬。蹂踐禾苗。邊境之人。夫遭驅掠。在此未為深損。於彼殊非遠謀。卿之用。何乃至是。國家利害。計須久長。

和好之道。概成仁義之風。初在卿智識。明悟朕所深

知。頃年猶在表師。故此英忠。志不存大信。遂棄令

至望

授懲罪之弊。如禮讓之風。彼此大同。務安衆庶。乃

於境上。建堂會場。其約。詞至重告于皇天后

土。諸佛百神。存諭。及其國朕敬奉誠約。分毫

不移。信使交情。歲時無絕。碑文具在。可以明徵。豈有

一事不行。一言不守。頃令趙聿專往。近方從彼却回。

聞彼蕃使回來。至今獨在道路。卿所論表。朕並未

聞之。言事由乃可商議。既稱和好。理絕相疑。未合輕

令顯卿某物。至宜領之。殊念卿比平安。汝諸士並承

覽表中意旨。續即商量報卿。卿涉遠而來。當甚勞頓。

審味來意。竚聞還奏。以副所懷。趙聿及蕃使合到。待

覽表中意旨。續即商量報卿。卿涉遠而來。當甚勞頓。



賜尚結贊第二書

趙聿及論拱熱等至得卿表奏具見懇誠省覽言辭  
即稱和好及覩事跡唯務侵凌矛楯若斯將何取信  
審察書中之意蓋求四鎮北庭如此事宜足得商議  
既言通好理絕相疑未合輕舉甲兵便踰境界盟誓  
之語忽焉如遺天地神祇豈其可罔又聞放縱兵馬  
蹂踐禾苗邊境之人大遭驅掠在此未為深損於彼  
殊非遠謀卿之用心何乃至是國家利害計須久長  
和好之道既虧仁義之風何在卿智識明悟朕所深  
知頃年猶發義師救此災患今豈不存大信遂棄令  
陸宣公集

卷十

十一

名故遣使見卿欲得審知來意必若守其盟誓務在  
同和即收斂兵車速歸本界所掠百姓一切放回然  
後可表卿直心信卿來奏續即遣使與論拱熱同往  
諸事並有商量交歡必令得所或密懷他意將欲別  
謀彼雖未說實情此亦略為準擬但緣誓約本重朕  
意不欲先違以此勤勤合有相問佇聞來奏以副朕  
懷

賜尚結贊第三書

勅尚結贊蕃使論拱熱等與趙聿同到。卿所陳奏朕具悉之。誠意勤勤。志敦和好。上以成舅甥之義。次以結鄰援之歡。外以彰禮讓之風。內以息戰爭之患。兼此數事。昔賢所難。非卿材越等倫。識通今古。豈能匡輔大國。宏宣遠圖。施美利於當時。傳盛名於不朽。眷懷明略。歎尚良多。然以贊普來書。務於叶睦。卿之所奏。亦貴通和。初覽其言。實嘉德義。及觀其事。頗訝乖違。以卿賢明。朕所信重。棄義踰約。計必不然。未測事由。因何至此。頃年所定和好。言約頗謂分明。至如四

陸宣公集

卷十

三

鎮北庭。元不割與蕃國。及朱泚悖逆。作亂上都。卿仗義興師。請收京邑。遂許四鎮北庭之地。將以報荅成功。旋屬炎蒸。蕃軍便退。奉天之約。豈可更論。事甚分明。固無疑惑。凡言結好。所貴和同。通體商量。有何不可。大蕃必若要四鎮北庭之地。即合直以情言。彼但露其誠心。此亦自有分義。豈假曲徵前事。廣起異端。仍發師徒。務張威勢。蕃使猶未至此。蕃軍早已越疆。或稱欲自赴朝。或云更定言誓。既虧盟約。且失禮儀。言與事乖。將何取信。夫人君立國。必不徒然。惟漢與蕃。各受天命。勝負固有定分。強弱寧由力爭。卿欲以

衆相侵。以威相脅。謂天地可罔。謂盟誓可渝。即當肆  
意所爲。不必更論和好。儻欲守其前約。敦以親鄰。去  
就之間。固宜有禮。遣使來往。足得商量。張皇師徒。是  
何道理。和好者禮義之事。甲兵者爭奪之由。二端懸  
殊。理不並用。今欲以用兵之勢。定和好之辭。事必不  
成。縱成何益。卿識見通敏。器宇沉詳。如此事宜。不言  
可悉。未知來意。竟擬如何。且首末論和。是卿商議。清  
水會盟之日。卿又親發誓辭。將期去殺好生。修文偃  
武。永安兆庶。垂法子孫。天下稱嗟。以爲盛美。未經數  
歲。遽有變移。非獨見誚於四方。亦將取笑于千古。以

此思度甚欲通和。彼雖小以侵陵。朕亦未即交惡。故  
遣某官與卿更審籌量。卿若必務同和。更無他意。即  
宜便歸本界。遣使具述本情。所須四鎮北庭。朕當自  
有推議。如或託稱繼好。志在別圖。依前縱兵。不即歸  
國。惟利是視。亦識彼懷。和與不和。於茲決定。書中事  
有不盡。並令某官某口宣。宜令速回。竚望來奏。所獻  
方物。深表遠誠。今賜卿某物。至可領也。秋冷。比平安  
好。

唐陸宣公集卷第十

文山李延福

遵化史樸

濟州張繼鄒

仁和陸孫鼎

同校刊

平味劉發鼎

齊世張繼灑

豐山史繼灑

文山李延福

同校刊

唐陸宣公集卷第十



唐陸宣公集卷第十一

後學介春耆英重訂

萍鄉文 晟  
崇仁華廷傑

同校

奏草一

論兩河及淮西利害狀

內侍朱冀寧奉宣聖旨緣兩河寇賊未平殄又淮西兇黨攻逼襄城卿識古知今合有良策宜具陳利害封進者臣質性凡鈍聞見陋狹幸因乏使簪組昇朝荐承過恩文學入侍每自奮勵思酬獎遇感激所至亦能忘身但以越職干議典制所禁未信而言聖人

陸宣公集

卷十一

一

不尚是以循循默默尸居榮近日日以愧自春徂秋心雖懷憂言不敢發此臣之罪也亦臣之分也陛下天縱聖德神授英謀明照八表思周萬務猶慮闕漏下詢芻蕘此堯舜捨己從人好問而好察邇言之意也臣每讀前史見開說納忠之士乃有泣血碎首牽裾斷鞅者皆以進議見拒懇誠激忠遂至發憤踰禮而不能自止故也況今勢有危迫事有機宜當聖主開懷訪納之時無昔人逆鱗顛沛之患儻又上探微旨慮匪悅聞傍懼貴臣將爲沮議首尾憂畏前後顧瞻是乃偷合苟容之徒非有扶危救亂之意此愚臣

之所痛心切齒於既往。是以不忍復躬行於當世也。心蘊忠憤。固願披陳。職居禁闈。當備顧問。承問而對。臣之職也。寫誠無隱。臣之忠也。謹具件如後。惟明主。猶省而備慮之。豈直微臣獨荷容納之恩。實億兆之幸。社稷之福也。臣本書生。不習戎事。竊惟霍去病。漢將之良者也。每言行軍用師之道。顧方略何如耳。不在學古兵法。是知兵法者。無他見其情而通其變。則得失可辯。成敗可知。古人所以坐籌樽俎之間。制勝千里之外者。得此道也。臣才不逮古人。而頗窺其意。是敢承詔不默。輒陳狂愚。伏以尅敵之要在乎將得。

陸宣公集

卷十一

二

其人。馭將之方。在乎操得其柄。將非其人者。兵雖衆。不足恃。操失其柄者。將雖材。不爲用。兵不足恃。與無兵同。將不爲用。與無將同。將不能使兵。國不能馭將。非止費財翫寇之弊。亦有不戢自焚之災。自昔禍亂之興。何嘗不由於此。今兩河淮西爲叛亂之帥者。獨四五凶人而已。尚恐其中。或有傍遭詿誤。內蓄危疑。蒼黃失圖。勢不得止。亦未必皆是處心積慮。果爲姦逆。以僭帝稱王者也。況其餘衆。蓋並脅從。苟知全生。豈願爲惡。若招攜以法。悔禍以誠。使來者必安。安者必久。斯道積著。人誰不懷。縱有野心難馴。臣知其從。

化者必過半矣。舞干苗格。豈獨虛言。假使四五兇渠。俱稟梟鷁之性。其下同惡。復有十百相從。是皆卒伍。庸流。闖茸。下品。其志好不過聲色財貨之樂。其材用。不過蹴踘距踴之能。其約從締交。則迭相侮詐。以爲智謀。其御衆使人。則例質妻孥。以爲術數。斯乃盜竊偷安之伍。非有姦雄特異之資。以陛下英神。志期平壹。君臣之勢不類。逆順之理不侔。形勢之大小不倫。師徒之衆寡不敵。然尚曠歲持久。師老費財。加算不止於舟車。徵卒殆窮於閭濮。笞肉捶骨。呻吟里閭。送父別夫。號呼道路。杼軸已空。興發已殫。而將帥者尚陸宣公集

卷十一

三

曰財不足。兵不多。此微臣所以千慮百思。而不悟其理也。未審陛下嘗徵其說。察其由乎。股肱之臣。日月獻納。復爲陛下察其事乎。臣愚無知。實所深惑。遂乃過爲臆度。輒肆討論。以爲尅敵之要在乎將得其人。馭將之方在乎操得其柄。將非其人者。兵雖衆不足恃。操失其柄者。將雖材不爲用。今以陛下効其明聖。羣帥畏威。雖萬無此虞。然亦不可不試省察也。陛下若謂臣此說。蓋虛體耳。不足徵焉。臣請復爲陛下效其明徵。以實前說。田悅唱亂之始。氣盛力全。恒趙青齊。迭爲唇齒。陛下特詔馬燧。委之專征。抱真李芄聲。

勢相援。于時士吏畏法。將帥感恩。俱蘊勝殘。盡敵之誠。未有爭功邀利之釁。故能累摧堅陣。深抵窮巢。元惡幸脫於俘囚。兇徒幾盡於鋒刃。臣故曰剋敵之要在乎將得其人。馭將之方在乎操得其柄。此其明效也。田悅旣敗。力屈勢窮。且皆離心。莫有固志。乘我師勝捷之氣。躡亡虜傷夷之餘。比於前功。難易百倍。旣而大軍遂駐。遺孽復安。其後魏運日增。師徒日益。于茲再稔。竟不交鋒。量兵力則前者寡。而今者多。議軍資則前者薄。而今者厚。論氣勢則前者新集。而今者乘勝。度攻具則前者草創。而今者繕完。計兇黨則前者盛。而今者殘。揣敵情則前者銳。而今者挫。然而勢因時變。事與理乖。當易而反難。當進而中止。本末殊趣。前後易方。順理之常。必不如。此臣故曰將非其人者。兵雖衆不足恃。操失其柄者。將雖材不爲用。此自昔必然之効。但未審今茲事實。得無近於此乎。在陛下熟察而亟救之耳。固不在益兵以生事。加賦以殄人。無紓目前之虞。或興意外之患。人者邦之本也。財者人之心也。兵者財之蠹也。其心傷則其本傷。其本傷則枝幹顛瘁。而根柢屢拔矣。惟陛下重慎之。愍惜之。今師興三年。可謂久矣。稅及百物。可謂繁矣。陛下



爲之宵衣旰食。可謂憂勤矣。海內爲之行齋居送。可謂勞弊矣。而寇亂有益。翦滅無期。人搖不寧。事變難測。是以兵貴拙速。不尚巧遲。速則乘機。遲則生變。此兵法深切之誠。往事明著之驗也。夫投膠以變濁。不如澄其源。而濁變之愈也。揚湯以止沸。不如絕其薪。而沸止之速也。是以勞心於服遠者。莫若修近。而其遠自來。多方以救失者。莫若改行。而其失自去。若不靖於本。而務救於末。則救之所爲。乃禍之所起也。修近之道。改行之方。易於舉毛。但在陛下然之與否耳。儻或重難易制。姑務持危。則當校禍患之重輕。辯攻守之緩急。臣謂幽燕恒魏之寇。勢緩而禍輕。汝洛滎汴之虞。勢急而禍重。緩者宜圖之以計。今失於屯戍太多。急者宜備之以嚴。今失於守禦不足。何以言其然也。自胡羯稱亂。首起薊門。中興已來。未暇芟蕩。因其降將。即而撫之。朝廷置河朔於度外。殆三十年。非一朝一夕之所急也。田悅累經覆敗。氣沮勢羸。偷全餘生。無復遠略。武俊蕃種。有勇無謀。朱滔卒材。多疑少決。皆受田悅誘陷。遂爲猖狂出師。事起無名。衆情不附。進退惶惑。內外防虞。所以纔至魏郊。遽又退歸巢穴。意在自保。勢無他圖。加以洪河太行禦其衝。并

汾洛潞壓其腹。雖欲放肆。亦何能爲。又此郡兇徒。互相劫制。急則合力。退則背憎。是皆苟且之徒。必無越軼之患。此臣所謂幽燕恒魏之寇。勢緩而禍輕。希烈忍於傷殘。果於吞噬。據蔡許富全之地。益鄧襄鹵。獲之資。意殊無厭。兵且未弔。東寇則轉輸將阻。北窺則都城或驚。此臣所謂汝洛滎汴之虞。勢急而禍重。代朔邠靈之騎士。自昔之精騎也。上黨盟津之步卒。當今之練卒也。悉此彊勁。委之山東。勢分於將多。財屈於兵廣。以攻則曠歲不進。以守則數倍有餘。各懷顧瞻。遞欲推倚。此臣所謂緩者宜圖之。以計。今失於屯

陸宣公集

卷十一

六

戍太多。李勉以文吏之材。當浚郊奔突之會。哥舒曜以烏合之衆。扞襄野豺狼之羣。陛下雖連發禁軍。以爲繼援。累勅諸鎮。務使協同。睿旨殷憂。人思自効。但恐本非素習。令不適從。奔鯨觸羅。倉卒難制。首鼠應敵。因循莫前。此臣所謂急者宜備之。以嚴。今失於守禦不足。陛下若察其緩急。審其重輕。使懷光帥師救襄城之圍。李芘還鎮爲東都之援。汝洛旣固。梁宋亦安。是乃取有餘。救不足。罷關右賦車籍馬之擾。減山東飛芻輓粟之勞。無擾則禍亂不生。息勞則物力可濟。非止排難於變切。亦將防患於未然。徵發旣停。守

備且固。足得徐觀事勢。更選良圖。此於紓亂解紛。抑亦計之次也。議者若曰。河朔羣盜。尚未殲夷。儻又減兵。必更生患。此蓋好異不思之說耳。臣請有以詰之前歲伐叛之初。唯馬燧抱真李芄三帥而已。以攻必克。以戰必彊。是則力非不足明矣。洎遲留不進。乃請益師。於是選神策銳卒以繼之。而李晟往矣。猶曰未足。復請益師。於是徵朔方全軍以赴之。而懷光往矣。幾遣加半之戍。竟無分寸之功。是則師不在。衆又明矣。然而可託以爲解者。必曰。王師雖益。賊黨亦增。曩獨田悅寶臣。今兼朱滔武俊。臣請再詰。以塞其辭。曩

陸宣公集

卷十一

七

之田悅寶臣。皆蓄銳養謀。劇賊之方彊者也。尋而田悅喪敗。寶臣殲夷。雖復朱滔武俊加於前。亦有孝忠。日知乘其後。是則賊勢不滋於曩日。王師有溢於昔時。又明矣。曩以太原澤潞河陽三將之衆。當田悅朱滔武俊三寇之兵。今朱滔遁歸。武俊退縮。唯此田悅假息危城。設使我師悉歸。彼亦纔能自守。況留抱真馬燧。足得觀釁討除。是則減兵東征。勢必無患。又明矣。留之則彼爲冗食。徙之則此得長城。化危爲安。息費從省。舉一而兼數利。惟陛下下圖之。謹奏。

論關中事宜狀

右臣頃覽載籍。每至理亂廢興之際。必反覆參考。究其端由。與理同道。罔不興。與亂同趣。罔不廢。此理之常也。其或措置不異。安危則殊。此時之變也。至於君人有大柄。立國有大權。得之必彊。失之必弱。是則歷代不易。百王所同。夫君人之柄。在明其德威。立國之權。在審其輕重。德與威不可偏廢也。輕與重不可倒持也。蓄威以昭德。偏廢則危。居重以馭輕。倒持則悖。恃威則德喪於身。取敗之道也。失重則輕移。諸已。啓禍之門也。陛下天錫勇智。志期削平。忿茲昏迷。整旅奮伐。海內震疊。莫敢寧居。此誠英主撥亂拯物。不得已而用之。然威武四加。非謂蓄矣。所可兢兢保惜。慎守而不失者。唯居重馭輕之權耳。陛下又果於成務。急於應機。竭國以奉軍。傾中以資外。倒持之勢。今又似焉。臣是以疚心如狂。不覺妄發。輒踰顧問之旨。深測憂危之端。此臣之愚於自量。而忠於事主之分也。古人所謂愚夫言之。而明主擇之。惟陛下幸留聽焉。臣聞國家之立也。本大而末小。是以能固。又聞理天下者。若身之使臂。臂之使指。則小大適稱而不悖焉。身所以能使臂者。身大於臂故也。臂所以能使指者。

臂大於指故也。王畿者四方之本也。京邑者又王畿之本也。其勢當令京邑如身。王畿如臂。四方如指。故用卽不悖。處則不危。斯乃居重馭輕。天子之大權也。非獨爲御諸夏而已。抑又有鎮撫戎狄之術焉。是以前代之制。轉天下租稅。委之京師。徙郡縣豪傑。處之陵邑。選四方壯勇。實之邊城。其賦役則輕近而重遠也。其惠化則悅近以來遠也。太宗文皇帝旣定大業。萬方底乂。猶務戎備。不忘慮危。列置府兵。分隸禁衛。大凡諸府八百餘所。而在關中者殆五百焉。舉天下不敵關中。則居重馭輕之意明矣。承平漸久。武備浸微。雖府衛具存。而卒乘罕習。故祿山竊倒持之柄。乘外重之資。一舉滔天。兩京不守。尚賴經制。頗存典刑。疆本之意則忘。緣邊之備猶在。加以諸牧有馬。每州有糧。故肅宗得以爲資。中復興運。乾元之後。大憝初夷。繼有外虞。悉師東討。邊備旣弛。禁戍亦空。吐蕃乘虛深入爲寇。故先皇帝莫與爲禦。避之東遊。是皆失居重馭輕之權。忘深根固柢之慮。內寇則峭函失險。外侵則汧渭爲戎。於斯之時。朝市離析。事變可慮。須臾萬端。雖有四方之師。寧救一朝之患。陛下追想及此。豈不爲之寒心哉。尚賴宗社威靈。先皇仁聖。攘却

醜類再安宸居。城邑俱全。宮廟無賈。此又非常之幸。振古所未聞焉。足以見天意之於皇家。保佑深矣。故示大儆。將宏永圖。陛下誠宜上副天心。下察時變。遠考前代成敗。近鑒國朝盛衰。垂無疆之休。建不拔之業。今則勢可危慮。又甚於前。伏惟聖謀。已有成算。愚臣未達。敢獻所憂。先皇帝還自陝郿。懲艾往事。稍益禁衛。漸修邊防。是時關中有朔方。涇原。隴右。三帥。以扞西戎。河東有太原。金軍。以控北虜。此四軍者。皆聲勢雄盛。士馬精彊。又徵諸道戍兵。每歲乘秋備塞。尚不能保固封守。過其奔衝。京師戒嚴。比比而有。陛下

陸宣公集

卷十一

十

嗣膺寶位。威懾殊鄰。蠢茲昆夷。猶肆毒蠱。舉國來寇。志吞崤梁。貪冒既深。覆亡幾盡。遂求通好。少息交侵。蓋緣馬喪。兵疲。務以計謀相緩。固非畏威懷德。必欲守信結和。所以歷年優柔。竟未堅定要約。息兵稍久。育馬漸蕃。必假小事忿爭。因復大肆侵掠。張光晟又於振武誘殺羣胡。自爾已來。絕無虜使。其為嫌怨。足可明徵。借如吐蕃。實和回紇。無憾。戎狄貪詐。乃其常情。苟有便利可窺。豈肯端然自守。今朔方。太原之衆。遠在山東。神策六軍之兵。繼出關外。儻有賊臣。啗寇黠虜。窺邊伺隙。乘虛微犯。亭障。此愚臣所竊為憂者。

也。未審陛下其何以禦之。側聞伐叛之初。議者多易其事。僉謂有征無戰。役不逾時。計兵未甚多。度費未甚廣。於事爲無擾。於人爲不勞。曾不料兵連禍拏。變故難測。日引月長。漸乖始圖。故前志以兵爲凶器。戰爲危事。至戒至慎。不敢輕用之者。蓋爲此也。當勝而反敗。當安而倒危。變亡而爲存。化小而成大。在覆掌之間耳。何可不畏而重之乎。近事甚明。足以爲鑒。往歲爲天下所患。咸謂除之則可。致昇平者。李正己。李寶臣。梁崇義。田悅是也。往歲爲國家所信。咸謂任之則可。除禍亂者。朱滔。李希烈是也。旣而正己死。李納繼之。寶臣死。惟岳繼之。崇義卒。希烈叛。惟岳戮。朱滔攜。然則往歲之所患者。四去其三矣。而患竟不衰。往歲之所信者。今則自叛矣。而又難保。是知立國之安危在勢。任事之濟否在人。勢苟安則異類同心也。勢苟危則舟中敵國也。陛下豈可不追鑒往事。惟新令圖。循偏廢之柄。以靖人。復倒持之權。以固國。而乃孜孜汲汲。極思勞神。徇無已之求。望難必之効。其於爲人除害之意。則已至矣。其爲宗社自重之計。恐未至焉。自頃將帥徂征。久未盡敵。苟以藉口。則請濟師。陛下乃爲之輟邊軍。缺環衛。虛內廩之馬。竭武庫之兵。

占將家之子以益師。賦私養之畜以增騎。猶且未戰則曰乏財。陛下又爲之算室廬。貸商賈。傾司府之幣。設請權之科。關輔之間。徵發已甚。宮苑之內。備衛不全。萬一將帥之中。又如朱滔希烈。或負固邊壘。誘致豺狼。或竊發郊畿。驚犯城闕。此亦愚臣所竊爲憂者也。未審陛下復何以備之。以陛下聖德君臨。率土欣戴。非常之慮。豈所宜言。然居安備危。哲王是務。以言爲諱。中主不行。若備之已嚴。則言亦何害。儻忽而未備。又安可勿言。臣是以罄陳狂愚。無所諱避。罔敢以中主不行之事。有虞於聖朝也。惟陛下熟察之。過防

陸宣公集

卷十一

十一

之。且今之關中。即古者邦畿千里之地也。王業根本。於是在焉。秦嘗用之以傾諸侯。漢嘗因之以定四海。蓋由憑山河之形勝。宅田里之上腴。弱則內保一方。當天下之半。可以養力俟時也。彊則外制東夏。據域中之大。可以蓄威昭德也。豪勇之在關中者。與籍於營衛不殊。車乘之在關中者。與列於廩牧不殊。財用之在關中者。與貯於帑藏不殊。有急而須。一朝可聚。今執事者。先拔其本。弃重取輕。所謂倒持太阿。授人以柄。議制置則彊幹弱枝之術。反。語綏懷則悅近求遠之道。乖。求諸通方。無適而可。顧臣庸懦。竊爲陛下



惜之。往者不可追。來者猶可補。臣不勝懇懇憂國之至。輒敢效其狂鄙。以備採擇之一端。陛下儻俯照微誠。過聽愚計。使李芄援東洛。懷光救襄城。希烈兇徒。勢必退衄。則所遣神策第六軍士馬。及點名節將子弟。東行應援者。悉可追還。河北既有馬燧抱真。固亦無藉李晟。亦令旋旆。完復禁軍。明勅涇隴邠寧。但令嚴備封守。仍云更不徵發。使知各保安居。又降德音。勞徠畿甸。具言京輦之下。百役殷繁。且又萬方會同。諸道朝奏。卹勤懷遠。理合優容。其京城及畿縣所稅間架。攤酒抽買。貸商點名等。諸如此類。一切停罷。則冀

陸宣公集

卷十一

十三

已輸者弭怨。見處者獲寧。人心不搖。邦本自固。禍亂無從而作。朝廷由是益尊。然後可以度時宜。施教令。弛張自我。何有不從。端本整棼。無易於此。謹奏。

文山李延福

遵化史樸

濟州張繼鄒

同校刊

仁和陸孫鼎

唐陸宣公集卷第十一

道光丁未孟春月重刊

陸



全集

節畧